

საქართველოს კანონი

“საჯარო სამსახურის შესახებ” საქართველოს კანონში
ცვლილებებისა და დამატებების შეტანის შესახებ

მუხლი 1. „საჯარო სამსახურის შესახებ“ საქართველოს კანონში (პარლამენტის უწყებანი №45, 21.11.1997, გვ. 55) შეტანილ იქნეს შემდეგი ცვლილებები:

1) მე-18 მუხლის მე-4 პუნქტი ჩამოყალიბდეს შემდეგი რედაქციით:

„4) სამსახურში მიღებისას აუცილებელია პირმა წარადგინოს სპეციალიზირებული სამედიცინო დაწესებულების მიერ გაცემული ცნობა, რომლითაც დასტურდება საქართველოში სპეციალურ კონტროლს დაქვემდებარებული ფსიქოაქტიური ნივთიერებების I და II სიაში შეტანილ ნივთიერებებისადმი დამოკიდებულების ნიშნების არარსებობა“.

2) 25-ე მუხლის პირველი პუნქტის “თ” ჩამოყალიბდეს შემდეგი რედაქციით:

„თ) სპეციალიზირებული სამედიცინო დაწესებულების მიერ გაცემული ცნობა, რომლითაც დასტურდება საქართველოში სპეციალურ კონტროლს დაქვემდებარებული ფსიქოაქტიური ნივთიერებების I და II სიაში შეტანილ ნივთიერებებისადმი დამოკიდებულების ნიშნების არარსებობა.“

3) 98-ე მუხლის პირველ პუნქტს დაემატოს შემდეგი შინაარსის “ზ” ქვეპუნქტი:

“ზ) ფსიქოაქტიური ნივთიერებების მოხმარების ფაქტზე პერიოდული შემოწმების შედეგად საქართველოში სპეციალურ კონტროლს დაქვემდებარებული ფსიქოაქტიური ნივთიერებების I და II სიაში შეტანილ ნივთიერებების მოხმარების დადასტურების შემთხვევაში, გარდა იმ შემთხვევებისა, როდესაც მოხელე ფსიქოაქტიურ ნივთიერებებს მოიხმარს სამკურნალო მიზნით და გააჩნია ამის დამადასტურებელი ექიმის დანიშნულება.”

მუხლი 2. ეს კანონი ამოქმედდეს გამოქვეყნებისთანავე.

საქართველოს პრეზიდენტი

მიხეილ სააკაშვილი

თბილისი,
2008 წლის